

樂城縣志

序
輿地上
凡例

第壹冊

地 130.93
38
: 1-6
部 五

縣城十甲

邑人張惇德題



縣城十甲

重修藥城縣志序

藥彈丸邑也漢柴棘蒲唐蘇鸞臺元
蘇滋溪俱產此故著名邑居郡城南
偏幅負四十里為南北衝衢外煩供
應內難撫綏官此者必深知利弊所
關若痛癢切身而後能為吾民謀休

序

一

息監於前傳於後邑乘其即治譜乎
攷藥誌始脩於耿猶略繼脩於趙猶
雜嗣有王誌桂誌一仿康武功陸靈
壽名誌體裁高簡有法迄今又數十
年矣天時人事幾經變遷其間因革
損益諸大端非良有司體察之綜覈

之而又兼才學識三長者邑安得有
信史哉大令陳雱堂權縣事甫一載
訟者平賦者均政成民和於時
憲檄重脩各誌視官府若傳舍者若
有所待雱堂曰誌之者知之也府縣
官名以知字冠知之斯能為之誌烏

序

二

能緩爰聘宿學張明經重齋秉筆博
採精擇某事去某事取閱六月而編
成余觀其徵文攷獻用意深微於星
野辨昴胃察災祥也於河道辨汶治
備蓄洩也於邑名徵族姓溯源流也
於里社徵方位聯遠近也於保息補

倉儲蘇困窮也於物產補蠶桑溥利
益也風土則重本根文藝則重實錄
官吏之政蹟無美不著士女之節義
無隱不彰舉凡舊誌略者詳之訛者
正之卓然成教養之書雩堂誠不愧
知之者哉夫吏治莫詳於漢論者疑

序

三

朝歌近術潁川近名其於民事猶未
知之深且切也雩堂以知之者為之
勿謂邑經兵燹而敝廢之斯瘠膏之
斯腴勿謂邑歌絃歌而陋仍之斯頽
作之斯振實心實政即基於此而後
之宰斯土者以曹隨蕭以杜繼召其

亦知所法守矣是為序

同治十二年歲次癸酉皋月下浣
賜進士出身候補道知正定府事楚

黃劉秉琳撰



序

四

重修藥城縣志序

郡邑有專志自趙宋始也其稱名有新志有續志有後乘然每作於南邦罕見諸北地若冀域諸邑志創於明者為多已蓋邑之有志猶國之有史凡所以察治忽垂文獻別淑慝寓勸懲均於志焉是賴倘非廣為蒐羅慎為去取何以信今傳後不失於

序

一

附會不病其簡畧乎藥志自明萬曆甲戌至國朝康熙癸亥三次纂修茲所流傳乃道光丙午重輯本也三十年來廢置損益事物紛躋固月異而歲不同於此而弗續遠將難稽矣壬申春予承乏茲土

上憲檄取邑乘遂涓吉開局選公正紳士採訪之因從而奮萃之而抉擇之顧簿書

之暇綴殘什詢輿論而詮次修辭恐有未
安爰請邑中張明經重齋復加考證訂訛
增新辨異歸同閱六月而稿定於是星野
之分值輿地之廣袤河道之源委田賦之
條款文物官方之表績風俗土產之登隆
紀述所及一方之故實備焉夫約文比事
纂言者務也宣力率作守土者責也今志

序

二

之成亦惟緬曩哲之治績則慎所措施仰
先達之遺徽則知所奮勵予勉之且與都
人士共勉之此予汲汲然續修之微意也
夫

同治十一年歲在壬申十月中浣之吉署
藥城縣事山左清源陳詠序



舊序節畧

耿志楊起元序樂舊無志往蹟闕畧識者憾焉萬厯癸酉夏耿侯下車訪封疆形勝政務因革民生之登耗公賦之損增文物風景之升降將酌古今定沿革大有造于茲士而未得其詳因索志焉左右以無對乃涓日設局選諸生之博雅有識者馬東畬等七人相與研分野考川陵訂建置稽沿革戶口租庸較之版籍風俗古蹟訪之耆碩名宦鄉賢文藝旁搜諸書考覈惟詳然後證之郡志以成之總以六綱分以五十四目數百年之跡燦然指掌矣方志始修侯屢以政暇臨局授方畧及成稿又增損而潤色之至

樂城縣志

卷首

舊序

一

忘寢食膳寫數次乃付梓夫樂邑小而衝簿書旁午宰是邑者恒以日無暇晷爲憂侯之敦敏不遑如此不獨爲一邑飾文也後之仕于斯生于斯者目覽心繹乃知某廉明某仁愛某孝友節義某德行文學仰止之思勃然一奮是不待教而士習端民習厚有裨于後豈小補哉

趙志趙炳自序余自戊申抵樂路當子午百務交劇兼以水旱頻仍地雖坦而鹵薄民雖朴而鶉結幸多士都雅人文差勝余于政暇披閱地輿樂乃禹貢冀州之域昂畢分野晉大夫武子食采之邑爰稽前代如柴棘蒲蘇鸞臺諸賢皆一時豪雋心切景仰久矣值

聖治鼎新百務聿舉兼承部檄搜採邑乘遂與邑賢損益古今共相商確浹旬書成并其簡端如此

趙志陳食采序康熙十有一年秋蜀廣元趙公撫樂五載命采曰惟樂志累遭兵變淪軼無存謂一邑典章何風景不同政績屢異稽往牒而考前徵庸可泄圖爰聘邑紳魏君及石泰諸子再加纂集命采董其事相與協力矢心核名稽實嚴取舍之辨酌猛寬之宜公筆削之權參文質之中補闕拾遺刪繁訂訛或總序以發例或列款以旁通彙爲四帙有綱有目一邑憲典備矣若夫屬詞此事美利異言而勸懲生焉川原增勝田賦益裕野多樂業農夫庠集

樂城縣志

卷首

舊序

二

有造小子其有神于樂者豈僅視爲紀事之書哉

王志王玘自序余承乏樂邑五載于茲教養諸政雖不敢云百廢具舉而苟有益于民者莫不早作夜思悉心剔釐今幸免罪戾濫叨薦揚擢東陽別駕去邑志未輯永懷缺陷古志不可攷今得寓目者一修于明萬厯甲戌耿公繼武再修于今康熙壬子趙公炳耿畧也趙雜也郡志所載且多逸佚况其他乎用核原本勤加補綴不敢泥首事之庸也特慮窮鄉碑板未盡蒐羅名臣疏稿或多散失日督邑諸生父老四出旁求已萃集之從而遴選之申詳各臺具蒙允行而心猶未安也聞漳滏間有賀萍史先生鍵戶

讀書老而彌篤介賓持志往商爲窮討鄴架及胸中所得
十增五六書成付梓追溯采輯本末用弁簡端

王志賀應旌序皖上王侯治樂五載義正仁育毅然爲他
人所不爲績攷上上遷別駕去爰取舊志刪潤又搜窮鄉
碑板及故家所藏遺文越數百里捆載授僕以需詮次重
感招招不已之心不辭褻力因仍舊貫創建新圖纂異裁
同分門起例閱三月勒爲成書茫茫九州亂靡有又兼並
代更稱名累易述沿革一法象幽深呼吸弗爽遇災而懼
效捷影響述星野二山川蟠踞鬱乎蒼蒼茅分土昨敬守
職方述疆域三履畝加賦春秋所黜撫字心勞陽城豈拙

樂城縣志

卷首

舊序

三

述田賦四形勝所在觀瞻攸繫弗侈土木民乃利濟述建
置五哲人邈矣遺跡屏列以遊以遨流風遠接述古蹟六
穀菜不熟厥民饑饉民命攸存何以恤隱述物產七陳詩
納價太師職之用揆移易責存有司述風俗八生民立官
課士擇師曰教曰養王政兼資述職官九三物興行九德
籲俊王國克生泰階啓運述選舉十千里百里比肩接踵
賢豪貞淑間氣斯涌述人物十一一畫義開九疇箕衍禍
福吉祥皇極時斂述事紀十二文獻不足尼聖所憂山陬
海澨勿憚徵求述藝文十三優貌衣冠莊驚河漢附贅懸
疣庶幾諷諫述志餘十四

桂志李鈞序

天下事貴有以終之尤貴有以始之無終之者雖有始而弗傳無始之者雖欲終而弗得樂邑有志由來舊矣迄今百七十年山川人物踵而增華使紀載缺如亦一邑之憾也貴池桂丹盟先生前尹茲邑慨然倡而修之又得高寄泉廣文爲之載筆衆紳士爲之采訪志成桂君以升任去事幾中止予于甲辰承乏茲邑卽欲踵而成之小鮮始烹未暇也越二年諸務就緒邑人士以修成之邑志請予付梓並乞一言弁諸簡首予受而讀之叙述詳明繁簡得宜視舊志洵爲賅備矣桂君旣倡于前設予不成之于後是樂城縣志

卷首

舊序

四

使諸君子之雅意終湮沒而不彰也烏乎可愛鳩工庀材開雕于季夏葺事于仲秋非欲誇形勝侈宏獎以求勝于前人也亦冀後之覽者有所興起有所勸懲無負丹盟太守與寄泉廣文之苦心而已異日者風俗純美文獻足徵本山水之秀靈致人才之蔚起大儒繼眉山之軌名臣追樂武之蹤予于邑人有厚望焉

桂志高繼珩後序

樂志有三今所傳祇王君蒿伊修于康熙二十二年者迄今一百六十餘年矣桂丹盟先生前宰茲土有意興修況襄載筆珩之謏陋何足以當重承謹諉因取舊志刪其蔓

衍益以新增各條先生具疏盟于城隍之神凡採訪秉筆者必據其實垂成先生以調豐潤去事遂中輟今琢之明府履任之二年詢及前事慨然任剗之舉因重訪增修而付諸梓復得馬明經璋印施百部以廣其傳古人云莫爲之前雖美弗彰莫爲之後雖盛弗傳諸君子之雅意不可沒也珩忝與操觚樂觀厥成俾藉手以復于丹盟先生是則余之厚幸也夫刊成因並志其始末以書于後

凡例

一志者誌也誌其事以爲出治之原而政教之張弛準此焉故徵文考獻必求信而有據

一志有表有圖表以省紀載之煩圖以徵核訂之實他志圖列卷首茲列于各條前以便考稽

一類必分目目必立序所以揭明其指也他志有謂序徒繁冗各宜從刪未爲定論

一各類專紀外有附見于其後者有分見于其中者總期參觀互證得詳畧之宜焉

一康熙志載六景前志刪之是已然繪凌空橋圖于卷

樂城縣志

卷首

凡例

六

首尙蹈陋習今削去

一邑志不能如郡志之詳舊志祇標輿地不復立建置門類蓋沿革爲建置之大可入輿地餘皆可統入也今仍之

一舊志首列辨訛今移之卷尾又卷首列大事表卷尾列災祥所載事蹟尙多遺失今本郡志例爲事畧卽以祥異次之蓋事畧以閱古今祥異以嚴修省合爲一卷庶覺完備

一舊志河道不詳方向引古亦未參合今載現在形勢于前而附諸說于後庶幾詳明古蹟亦舛錯疎漏今

悉爲更正較補

一舊志村鎮僅登其名何由知民疾苦也茲參定州志例詳其道路方向戶籍田畝庶四境之廣燦若列眉

一政之施易如運掌

一陸清獻作靈壽志不載寺觀所以抑二氏也今附見村鎮中聊俾流傳弗失

一靈壽志載田賦沿革甚詳以民生休戚所關也舊志祇載現行款項今補摘郡志大畧以資考鏡

一舊志學校獨爲一卷識力特卓因思興養立教政之大體倉庾尤政之要今參臨安志例爲保息志一卷

樂城縣志

卷首

凡例

七

以倉廩居首而以養濟院諸條附之觀者應不以繁碎爲嫌

一文廟諸賢諸儒祀位禮儀樂舞祝文及壇廟祭儀祭品載在祀典通行天下者今從靈壽志例不復贅惟每條下分注歷代秩祀異同用以興敬謹之思

一職官備載籍貫及任事年月其有治績足述者統入政蹟不更立名宦細目至大使驛丞銜名舊志未列今補入

一舊志選舉表列五代同堂于義未安今移之耆壽中庶歸一律又表中載例仕及議叙但例仕銜名僅前

明而止夫既曰表凡不由科目而任實職者均宜載入若議叙所以示激勸非選舉也果慷慨好義奮發有爲宜入人物選舉中不具載也

人物多分門類反無統紀前人論之詳矣茲附武畧于宦蹟概文翰以學行庶具材智者得所表見負才華者不致泯滅而忠烈孝義隱逸者壽各以類從若仙釋方技歸入志餘以昭判別

一節孝貞烈風化攸係宜秉虛衷雷同附和失之泛聞風吹索失之苛今慎重採訪知免二者之失

一五代史志宦者垂戒也然張承業之忠自不可泯舊志列四人附人物後今仍之

一生者不立傳蓋棺論定之義也節婦年分合例應旌者不在此例

一舊志碑文各條均列殊難謹嚴茲摘其于政治沿革有關者彙入藝文而以雜著詩詞附各條下此吳郡志例也亦于事實有裨

一此次修志于古今事蹟博極考訪然欒封四十里自周迄今所傳豈止于是况見聞日新精益求精者參稽固難限也所望博雅君子以匡不逮則幸甚

樂城縣志歷修姓氏

明

萬曆二年甲戌創修

樂城縣知縣 耿繼武 沂水人

貢生 馬東畬 邑人

國朝

康熙十一年壬子重修

樂城縣知縣 趙炳 廣元人

任杞縣縣丞 魏喜鳳 邑人

訓導 石泰 邑人

樂城縣志 卷首 姓氏 九

康熙二十二年癸亥重修

樂城縣知縣 王玘 桐城人

任丹徒知縣 賀應旌 肥鄉人

道光二十六年丙午重修

樂城縣知縣 桂超萬 貴池人

樂城縣知縣 李鈞 歷城人

樂城縣訓導 高繼珩 寶坻人